

中脫此眾苦泥洹為第一無為無作無有眾
變是故名為泥洹也

北粟

出曜經卷第十四

殿四

躒則到析析擊二同先胸詩閨無崖下音宜又
墮徒回陷溺下如乳哺下音捺國代反

鞞步迷鎮頭上反吾鑄注音匿尼力欵許勿渚之

規均弥愆咎下音梯踰上他友友土

壤兩反積反子胤嗣下羊鎮反藉才亦茶炭

窻音窻音繖直利姝反尺朱朱唄敗音枚梅音遜

挽音騁反丑領唐合合纂反子管管悛怕下下疋疋陌反

躒秋大澹音狄徒的軌俱水蚰紆玄蠕音蹠

躒致上音遲聞上音軌俱水蚰紆玄蠕音蹠

躒致上音遲聞上音軌俱水蚰紆玄蠕音蹠

出曜經卷第十五

殿五

廣演品第二十四
尊者法救造姚秦三藏竺佛念譯

雖誦千章不義何益 寧解一句 聞可得道
雖誦千章不義何益者夫人在世多誦廣學
不曉義理亦復不了味義句義猶如有人多

陳明

負草木至百千擔正可勞苦無益時用是故

說曰雖誦千章不義何益寧解一句聞可得

道也寧解一句聞可得道者如昔有士多貯

財貨饒諸穀食意欲遠遊便以家穀糶之易

寶積珍無量後復以珍寶多易好銀意復嫌

多便以好銀轉博紫磨金意復嫌多時以好

金轉無價如意摩尼寶所願畢果終不差違

此亦如是雖多學問不解句義解一義者所

獲必剋是故說曰寧解一句聞可得道也

雖誦千章 法義具足 聞一法句 可從滅意

雖誦千章法義具足者人多修學義味成就

然復不能思惟義趣便自墜落不至究竟是

故說曰雖誦千章法義具足也聞一法句可從滅意者世多有人博學多聞能思一句至百千義義義相次不失其緒以漸得至無爲大道是故說曰聞一法句可從滅意也

雖復壽百年 毀戒意不定 不如一日中供養持戒人

雖復壽百年毀戒意不定者夫犯戒之人不護三事坐禪誦經佐助如斯之類不可親近雖久在世積惡無重死入地獄受無數苦火車爐炭刀山劔樹畜生餓鬼亦復如是是故說曰雖復壽百年毀戒意不定也不如一日中供養持戒人者持戒之人修行定意一日

功德無數無量不可以譬喻爲比久處於世積德無量若生於天自然受福是故說曰不如一日中供養持戒人

雖壽百年無慧不定 不如一日 黠慧有定 雖壽百年無慧不定者世多有人不知慚愧與六畜不別猶如駱駝騾驢象馬猪犬之屬

無有尊卑高下人之無智其譬亦亦愚闇纏裹莫知其明是故說曰雖壽百年無慧不定也不如一日黠慧有定者黠慧之人深入法典從一句義至百千義思惟反覆不以爲難是故說曰不如一日黠慧有定也

雖復壽百年 懈怠不精進 不如一日中

精進不怯弱

雖復壽百年懈怠不精進者如世有人意恒懈怠所願不成既自墮落復使他人沒在生死自陷溺者失五分法身不至無爲大道之趣自迷於道轉教他人沒在生死若受檀越飯食牀卧具病瘡醫藥不能消化從生至死墮于地獄餓鬼畜生雖得爲人邊地佛後世智辯聰八難之處所以然者皆由前身不積德也是故說曰雖復壽千年懈怠不精進也不如一日中精進不怯弱者或有世人勇猛精進解世非常人身難得佛世難遇生值中國亦復難遭諸根完具亦復難得於賢聖法

中求作沙門亦不可得聞真法言復不可得
有智之人能解此者當念精進求於道果得
至泥洹亦復不難也已以辦具便能成就無
漏法身是故說曰不如一日中精進不怯弱也
雖復壽百歲 不知生滅事 不如一日中
曉了生滅事

雖復壽百歲不知生滅事者人在世間無明
自纏不能得解計百年之中積罪無量亦復
不知生者滅者雖得出家為道在如來法中
不了生滅恒在凡夫之地不至無為也斯非
比丘沙門之業遠如來藏不近佛篋是故說
曰雖復壽百歲不知生滅事也不如生一日

卷五

三

曉了生滅事者人之在世觀達諸法一一虛
無生者不知所以生滅者不知所以滅一一
別之能知根本臨死之日亦不畏懼無所怖
難所生之處神識不錯遭賢遇聖聞法得度
是故說曰不如生一日曉了生滅事也
取要言之觀痛所從生夫人處世不知痛滅

所興雖為比丘不達沙門之行是故說曰觀
痛所從生也當觀有漏盡人之習行不達有
漏便當留滯三界五趣流轉生死無有出期
智者習行觀此有漏智所從生知所從滅生
不知所以生滅不知所以滅漸漸得至無漏
境界復當觀察不動行跡若復有人不能觀
祭不動行跡者便自墮落墜乎生死雖處沙
門非沙門行雖處婆羅門非婆羅門行由四
事因緣雖深奧法者若復學人觀察了知不
動行跡意不傾動亦不移易漸漸得至登無
為岸復當觀察不死行跡如人在世不知死
生死為神徙風去火次魂靈散矣身體挺直
無所復中然此習道之人荷服法衣剃除鬚
髮著三法衣不能觀察死之為死生之為生
亦復不能修清淨梵行所謂不死行跡者滅
盡泥洹是以得入中無為之處不生不老不
病不死澹然快樂是故說曰當觀不死行復
當觀察清淨行跡道足清淨非穢濁所學道

能去垢非習垢所學次當觀察天形象法不可觀見習上人跡於一切諸法最上最尊無能及者所謂滅盡泥洹是也行人觀察甘露行跡無飢渴想無煩熱想其不觀者求墜生死不達本無獲甘露者福業具足已已施彼無所恡惜也

雖復壽百歲 山林祭祀火 不如須臾間
執行自脩纂

雖復壽百歲山林祭祀火者昔有梵志勞形苦體在於曠野深山之中祭祀火神隨時瞻拜不違其火選擇淨薪採取好葩燒種種香以用供養望得恩福時彼梵志退自念言我

段五

四

在此山習學奇術念事此火以經百年今當自試知火恩福若識恩福證驗當見設不尔者復祭祀為時彼梵志意不遠慮即以兩手前捧熾火尋燒手臂疼痛難言梵志自念吾祭祀火經尔許年唐勞其功損而無益將是我身招此患苦尔時彼山有學道比丘相去

不遠知而問曰梵志當知火者體熱不別恩養尊卑高下卿欲知者吾有聖師三界獨尊行則躡虛無所罣礙坐則揚光照徹十方寧可與卿往彼親覲備得聞其深奧之法從此岸得至彼岸梵志聞已心開意解便與道人往至佛所頭面禮足在一面立尔時世尊觀

彼梵志應得度脫在大眾中而說斯偈

雖復壽百歲 山林祭祀火 不如須臾間
執行自修纂

尔時梵志豁然心解諸塵垢盡得法眼淨佛告梵志卿前在山百年事火祭祀諸神唐勞其功不至究竟尔今乃知真道之處不如須臾間執行自脩纂世人執愚至死不剋百年事火不自覺悟抱愚投冥不能自改若能自覺知之非真恒當思惟知病所興為所從來為所從去悉了非真實法若復受他衣被飯食牀卧具病瘦醫藥便能消化不令有失承事供養名華擣香雜香繒綵幢幡如是之福

段五

五

不可稱計百歲事火不如須臾彈指之頃一行慈心其福最尊爲無有上難稱難量不可以譬喻爲比猶如芥子仰比須彌牛跡之水與海校量瓜上末塵自稱勝地螢火之虫與日競明慈心之德其事如此況復百年修德具足乎乘此之福經百千劫未曾墜墮在凡夫地衆人仰望莫不敬奉皆由前世積行所致是故說曰不如須臾一行慈心也

從月至其月 愚者用搏食 彼不信於佛 十六不獲一

從月至其月愚者用搏食者或有生類貪著飯食以養其形不慮後世殃禍之災四大之體其性不同神變其中識別是非智者識真愚者倒見不知今世後世善惡之行長轉三塗八難無有出期是故說曰從月至其月愚者用搏食也彼不信於佛十六不獲一者若有衆生一日半日一時半時彈指之頃篤信於佛意不移易其福難量不可稱計不可以

譬喻爲比福至冥報無形無像忽然自至功祚無窮是故說曰彼不信於佛十六不獲一也取要言之彼不信於法十六不獲一億千萬劫時聞法聲所謂法者滅盡泥洹是也如契經所說告諸比丘今當與汝說三第一之尊一者佛爲第一之尊二者法爲第一之尊三者僧爲第一之尊彼云何佛爲第一之尊諸有衆生之類無足有足一足二足四足至衆多足有色無色有想無想乃至非想非無想如來於中爲尊爲最爲無有上是以比丘其有衆生篤信佛者爲信第一之尊以信第一之尊便受第一之福以受第一之福便生人天第一豪尊是謂名曰佛爲第一之尊彼云何法爲第一之尊所謂法者有爲法無爲法滅盡無欲無生滅法泥洹法者爲尊爲最爲無有上其敬法者爲敬第一之尊以敬第一之尊便獲第一之福以獲第一之福便生天人第一豪尊是謂名曰法爲第一之尊彼

毀五

六

云何僧爲第一之尊諸有大衆大聚大會翼從之徒如來聖衆爲尊爲最爲無有上是以比丘其有衆生篤信僧者第一之尊以信第一之尊便受第一之福以受第一之福便生天人第一豪尊是謂名曰僧爲第一之尊不以慈心者十六不獲一衆生之類晝夜含毒瞋恚所纏共相茹食由懷忿怒向乎二親豈當有慈加被衆生乎此事不然也是故說曰不以慈心者十六不獲一也不愍衆生者十六不獲一猶如境界方域其中衆生名号姓字不可稱計若有入慈定之士於中教化周窮濟乏不擇好醜亦不與想斯可施與斯不可與平等無二一而不異乃謂真施是故說曰不以慈心者十六不獲一也或有國土稱其衆生名曰蠕動之類於中勇猛不辭勤勞適彼國界供給所須不令闕減是謂施心蠕動之類不以神祇故十六不獲一不以正法故衆生自墜墮外道異學尼捷子等自稱爲

尊以鐵錐腹跨行世間自相謂曰此諸釋種沙門道士世之狂夫露頭左衽自稱爲尊我等觀察正是不祥之應世人狂惑何爲尊事若有衆生施此人者後得穢惡不淨之報夢想見之寤則遇惡況當行道與共相見是故世尊告諸比丘能於正法信心不斷遭遇百

殿五

七

千勤苦衆難心不變易一意信向不習倒見亦乃名曰如來正法其不信者於十六分未獲其一其有信心向正法者其福無量不可稱計百倍千倍万倍巨億万倍不可以譬喻爲比何以名曰十六分不獲一也所以論十六者謂十六者謂十六大國也此間浮境仁義所居無有出此十六大國博古攬今敷演深奧隨順決斷永除狐疑使無猶豫十六國名其号一爲卷伽二者默偈陀萍沙王三者迦詩四者拘薩羅波斯王五者素摩六者須羅吒七者惡生王拔蹉八者拔羅憂填王九者遏波十者阿婆檀提憂陀羅延王十一者

鳩留十二者般遮羅阿拘嵐王十三者椽難

十四者耶般那十五者劔桴本闕此十六大

國苞識万機衆事不惑衆辯捷疾學不煩重

暢達妙義尋究本末演布無量尋之難窮斯

出十六大國之中夫修行人不能施心仰慕

妙義者但當遊行歷十六國威儀禮節自然

得成不加於師無有模則也

若人禱神祀經歲望其福彼於四分中

亦未獲其

若人禱神祀經歲望其福者想外道愚學顛

倒邪見執愚不悟祭祀神祠乃經一歲其中

費耗生民之貨亦不可計以若干種甘饌飲

食焚燒乎火謂爲獲福反更遇禍斯由執愚

不自改更至今死後入乎闇冥不覩大光智

慧之明是故說曰於四分中亦不獲其一也

是故聖人訓之以漸導之以路獲誘愚惑至

安隱處須更行善勝彼一年也

出曜經親品第二十五

無信懷憎嫉聞亂彼此人智者所屏棄

愚習以爲樂

無信懷憎嫉聞亂彼此人者夫人在世信心

不固亦復不信佛法聖衆真如四諦苦集盡

道積財至天猶不可恃怙捨壽之日財不自

隨皆由今身不惠施故不造功德畢故不造

新猶如有鳥喙貪肉食山樹有葉其像肉色

晝夜伺捕延頸仰望在樹像肉墮即爲葉迷

惑所纏不自覺寤如是不息喪命於彼所以

然者皆由貪心不自改更故此間聞語傳至

於彼設從彼聞復傳於此聞亂彼此使不成

就意中與嫉轉生塵垢是故說曰無信懷憎

嫉聞亂彼此人也智者所屏棄者智人知禮

節避嫌遠疑不處惑亂之中彈指之頃不與

從事況當至竟與共遊乎所謂智者明古知

今博通衆事防慮未然所行不左心口相應

言無有失分別深義意不倒錯從一句義演

布無數愚者所惑是故說曰智者所屏棄也

段五

八

愚習以爲樂者設復有人善心勸諫誘進童蒙訓之以道使見道門不從其教反更疑惑以地獄爲堂室不慮後世殃禍之根教行惡業不從善教轉復墮落地獄餓鬼畜生之中是故說曰愚習以爲樂

有信無憎嫉 精進信多聞 智者所敬待

賢聖以爲樂

有信無憎嫉者如復有人篤信佛法聖衆至意信解苦集盡道不懷諛諂心意柔軟承事敬待諸梵行人晝則勤受夜則經行孜孜汲汲不失威儀和顏悅色先笑後言不傷人意是故說曰有信無憎嫉也精進信多聞者人

駁五

九

之修行精進爲上況復廣學採取多聞戒聞施慧廣布一切安處無爲寧處道場以已所見演示前人是故信多聞也智者所敬待者常當親近承受不及戒身不具足者令使具足定身慧身見身見解脫身不具足者令使具足是故說曰智者所敬待賢聖以爲樂者

夫人修行追賢逐聖不辭寒苦正使遭遇百千億難能捨身命雖遭斯苦不介其意是故說曰賢聖以爲樂

不親惡知識 不與非法會 親親善知識 恒與正法會

不親惡知識者彼修行人遭惡知識者日增惡行墮入地獄餓鬼畜生正使行清意潔隨惡除其素猶若有人愛犬猪羊心不遠離猪犬隨逐亦不相離猪犬所樂糞除爲上廁圉爲浴池共相染汚親惡知識者亦復如是共相追逐終以無善是故說曰不親惡知識也不與非法會者非法人者五無救罪無戒無

聞無慧無施如此之人不可親近其有追逐以爲伴者墮入惡趣不至善處是故說曰不與非法會也親近善知識者學有日新出言柔和心意相應設有之造不傷人意先笑後言文句相應是故說曰親近善知識恒與正法會者所謂正法會佛辟支佛聲聞是也更

無衆生出於佛者除佛以更無衆生出於辟支佛者除佛辟支佛更無衆生出於聲聞者其有信心向此三者得至究竟不墜三塗厄難之處是故說曰恒與正法會也

行路念防慮 持戒多聞人 思慮無量境 聞彼善言教 各各知差別

行路念防慮者羣從在途出言防慮曠野之中多諸鬼神若論惡語神即得便論說善者鬼神營護所至到處不遇惡人亦復不逢劫盜人者是故說曰行路念防慮持戒多聞人受佛言教不去心首如佛所說告諸比丘當修三昧正受定意若行若坐無令違失便爲

致五

十

諸天鬼神所見營護所以然者皆由承受正佛言教是故說曰持戒多聞人也思慮無量境者晝夜思慮坐禪誦經戒聞施慧是故說曰思慮無量境也聞彼善言教各各知差別如彼學人聞彼善教意不錯乱文句相應便成道果須陀洹果斯陀含果阿那含果阿羅

漢果增益善根至無爲道是故說曰聞彼善言教各各知差別

近惡自陷溺 習善致名稱 妙者恒自妙 此由身真正

近惡自陷溺者如復有人親近惡友但有日損不至究竟猶若半月日有闇冥無有大明

親近惡友亦復如是日損善根增益惡法是故說曰近惡自陷溺也習善致名稱者勝人所習日有名稱猶如月欲盛滿日有光明遠照無外修善之人亦而如是善名廣著名稱遠布是故說曰習善致名稱也妙者恒自妙所行專正修無上道猶如須陀洹家仰修斯

陀含道斯陀合家仰修阿那含道阿那合家仰修阿羅漢道阿羅漢家轉自增益諸善功德是故說曰妙者恒自妙也此由身真正者當求巧便求諸功德瓔珞其身意中欲得名稱廣布者欲得諸天世人敬待當自謹慎不與塵勞懷來道故是故說曰此由身真正也

致五

十一

善者終以善 斯由親近善 智慧為最上
禁戒永寂滅

善者終以善斯由親近善智人求於智以成
其聖道猶如紫磨真金內外清徹造作器皿
無不成就智者亦亦賢聖相習留教在世永
世不朽是故說曰善者終以善斯由親近善
也智慧為最上禁戒永寂滅者夫人習行先
當求上人之法是故說曰智慧為最上禁戒
永寂滅者也

如魚湍聚湊 人之貪者取 意者不覺臭
習惡亦如是

如魚湍聚湊人之貪者取者猶如群魚集聚
一處穢污難近人意貪者不顧臭穢愚人執
意謂為甘美不知久久不便於身臭氣流溢
布見於外習惡之人亦復如是與親近者即
成其惡損減善根增益惡部是故說曰如魚
湍聚湊人之貪者取意者不覺臭習惡亦如
是也

木檻葵藿葉 衆生往採取 葉動香遠布
習善亦如是

木檻葵藿葉衆生往採取者如有善察之人
往採其香雖不得根復獲香葉香氣芬芳正
使捨彼故處猶香善致識從事者亦復如是
成人之德功福日積是故說曰木檻葵藿葉
衆生往採取葉動香遠布習善亦如是也
已自不習惡 親近習惡者 為人所誣笑
惡名日增熾

已自不習惡親近習惡者世多有人不行惡
事姪逸盜竊性不飲酒不博弈戲樂然彼衆
生或在酤酒家坐或入姪種村中或在博弈
家坐為主人所見謂為斯人習此非法與猶
豫想此人先自貞潔清淨今日何為習此非
法惡聲遂顯流聞四遠百千衆生共相告語
誹謗之名從是日滋是故說曰已自不習惡
親近習惡者為人所誣笑惡名日增熾也
觀習而習之 知近而親近 毒箭在其束

般五

十二

淨者被其汚 勇夫能除汚 去惡不為伴
 觀習而習之 知近而親近者 世多有人 未
 道檢意不堅固 與惡從事 不被教訓 見物而
 習見惡習 惡見善習 善以己所見 示見於人
 身自不正焉 能正人 猶如毒箭 汚染餘者 已
 身行惡 教人習之 智者觀察 此已終不行 其
 惡是故 說曰 觀習而習之 知近而親近 毒箭
 在其束 淨者被其汚 勇夫能除汚 去惡不為
 伴也

是故知果報 智人悉分別 非親慎莫習
 習當近於賢 比丘行於道 忍苦盡諸漏
 是故知果報 智人悉分別者 衆生造行果報
 不同 或覺輕而藥妙 或罪重而易療 唯有覺
 者能消滅耳 智人所習自審明矣 設有慙吝
 即能悔過 猶馬蹶躓 加之杖策 然後調伏 智
 人習行亦復如是 尋隙所生 自悔不及 是故
 說曰 聖人亦果報 智者悉分別也 非親慎莫
 習 習當近於賢者 所謂非親所行 非義口吐

言教終無善響 布毒於人 以為快樂 其有衆
 生 既習此者 便為長夜流轉 生死受惱 無量
 神識倒錯 心意煩熱 所謂賢者 包識衆事 万
 機不惑 為人師範 辯才無礙 以已明慧 演示
 衆生 其聞音者 斯蒙度脫 是故說曰 非親慎
 莫習 習當近於賢也 比丘行於道 忍苦盡諸

教五

十三

漏者 行人執意 衆業備具 賢聖八品 如來聖
 道 諸佛世尊 常所修行 復以賢聖 苦忍之法
 盡諸有漏 成乎無漏 是故說曰 比丘行於道
 忍苦盡諸漏也

愚者盡形壽 承事明智人 亦不知真法
 如瓢斟酌食

愚者處世 雖壽百年 與智者同 俱然 意慳慳
 不別真法 是以聖人以瓢為喻 終日酌物 不
 知鹹酢 喻彼愚者 雖遇賢聖 意迷心惑 不達
 正教 寄生於世 無益於時 是故說曰 愚者盡
 形壽 承事明智人 亦不知真法 如瓢斟酌食也
 智者斯須間 承事賢聖人 一一知真法

如舌知眾味

智人所學意志捷疾聞一知萬豫達未然隨時之行亦不錯謬悉能分別亦無滯礙猶舌嘗味甜酢鹹淡悉能知之學人所習究暢本末別白黑法知病所與知病所滅斯非顛倒斯是顛倒皆能別了投之聖藥是故說曰智者斯須間承事賢聖人一一知真法如舌知眾味也略說其事彼不解慧愚人所習唯有智者能究其事彼無眼目所謂愚者是也眼目者賢聖眼目是也唯有智者而有此耳彼不知真法三耶三佛說所謂不知真法者愚者是也

智者尋一句 演出百種義 愚者誦千句 不解一句義

智者尋一句演出百種義者智者執意明達道術禪宴不亂練精神識永無塵垢四辯具了聞一句之義達百千之章是故說曰智者尋一句演出百千義也愚者誦千句不解一

句義者愚者意迷從冥至冥不覩大明雖誦千章不解一義是以智人常當遠之不與從事是故說曰愚者誦千句不解一句義也

一句義成就 智者所修學 愚者好遠離

段五

十四

昔有比丘往至佛所前白佛言唯然世尊大慈垂愍開悟未及願為說法應適人意我聞法已心意開悟得蒙度脫尔時世尊略說其義告比丘曰非汝則捨比丘白佛我已知矣佛告比丘我義云何汝以知乎比丘白佛色非我有我已捨矣佛言善哉如汝所說是故說曰一句義成就智者所修學也愚者好遠離真佛之所說聖人處世教誡眾生平等大道愚者意迷神識難革或見如來而掩目者或聞說法而塞耳者或見如來行跡輪相在地而踰壞者斯等之類罪垢深固難可改更過去恒沙諸佛世尊終訖說法於無餘境然眾生類執愚積久甘露滋降不覩不聞捨形

受形輪轉生死無有出期斯由愚惑無明所纏故也

怨憎有智勝 不隨親友義 愚者訓非道

漸趣地獄徑

怨憎有智勝者怨憎之人自知隙深意性明達防慮未然恒自思惟設我今日行非法者

便自陷溺不毀彼人也知有怨離眾多思欲

報怨力所不至知當如何不如行慈乃可得勝是故說曰怨憎有智勝也不隨親友義者

親友之人心意疑倒意之所好教授前人與共同歡惡則同惡好則同好後受報對入地獄中是故說曰不隨親友義愚者訓非道漸

毀五

五

趣地獄徑

愚者自稱愚 當知善黠慧 愚人自稱智

是謂愚中甚

愚者自稱愚當知善黠慧者愚自思惟悔本不及我本所行實為非法種諸罪根開地獄門塞泥洹路晝夜懇責我今處世眾結自纏

塵垢汚染捨身受身輪轉生死不離三有便

自悔責追師逐侶漸漸得至無為之處是故

說曰愚者自稱愚當知善黠慧也愚人自稱

智是謂愚中甚者愚人生世恒自歎譽我為

尊貴餘者不如不達今世後世殃豐之罪我

所知見世之希有自揚其名抑彼之德不知

生死之難修凡夫行是故說曰愚人自稱智

是謂愚中甚

若復歎譽愚 毀些智者身 毀智猶有勝

歎愚不為上

若復歎譽愚者愚者所習見物歎譽不別尊

卑善惡之行所可歎者反更毀些是故說曰

若復歎譽愚也毀些智者身者雖被誹謗不

以憂感自知果報緣對所至是故說曰毀些

智者身猶有勝也歎愚不為上者眾生處世

羣愚黨或聞彼稱名歡喜踊躍不能自勝不

知久後於身不便是故說曰歎愚不為上也

莫見愚聞聲 亦莫與愚居 與愚同居難

猶如怨同處

昔佛在羅閱祇將侍者一人名曰阿難在路遊行尔時世尊遙見調達逐路前進佛告阿難我等可共就餘路行何為與此愚人相見尔時阿難前白佛言云何世尊如來今日畏此調達乎何為欲避就於餘路佛告阿難我

自憶念本所造福自致無上等正覺亦復不見魔若天外道異學沙門梵志能使如來有恐怖者此事不然吾昔在樹王下眾結未盡弊魔波旬將十八億眾人身獸頭犍猴師子虎兇毒蛇惡鬼形貌搯山吐火把持刀劔戈矛鎧鉀揚聲哮吼填塞虚空時來恐我猶尚

殿五

十六

不能動我一毛況今我身成等正覺三界獨尊豈當畏於愚調達耶此事不然尔時世尊便說此偈

莫見愚聞聲 亦莫與愚居 與愚同居難 猶如怨同處 當選擇共居 如與親親會 八人與世當與點慧之人共居出則和顏入

則同歡共相敬待如父如兄如身無異猶如親親心意款至如此相敬皆至無為是故說曰當選擇共居如親親會也 是故事多聞 并及持戒者 如是人中上猶月在眾星

是故事多聞并及持戒者多有眾生解世非常明鑒三有知今世後世之報自知眾德具足恒親近賢人戒成就者定成就慧成就解脫成就解脫見慧成就是故說事多聞并及持戒者也如是人中上猶月在眾星中者五分法身未具令使具足在大眾中獨尊隻步無有疇匹猶如明月在眾星中光明遠照無有及者是故說曰如是人中上猶月在眾星也

出曜經卷第十五

殿五

難他弔 篋苦枯 健他頂 荷胡可 疼徒冬 葩麻普
躡尼輒 豁呼結 瓜之巧 搏上音 祿中故
茹而庶 鏖音跨 枉汝審 卷鳥朗 津沙音

十七末

